

EAJ eta PSE-EEren arteko
negoiazioen haustura

JAURLARITZA ABERTZALEAK BESTE EDOZEIN GOBERNUREN LEGITIMITATE BERA IZANGO DUELA OHARTARAZI DU

Ibarretxek Ardanza plana onartzeko PSEren heldutasun ezari egotzi dio haustura

■ PSE-EErekiko desadostasunak Lizarrako Akordioarekin ez duela loturarik adierazi du Ibarretxek. Jaurlaritzaren zeregin nagusia su-etena behin betiko egitea izango dela jakinarazi du. Datozen egunotan EAJko eta EAko negoziazio batzordeak bilduko dira, eta, aldi berean, EHren laguntza hitzartzen ahaleginduko dira.

Felix Iriarte / Gasteiz

SOZIALISTEkin Jaurlaritza eratzekeo negoziatioek ez dute emaitzarik izan, baina hori ez da izan Lizarrako akordioa onartzea exijitu zaielako edo beste alderdiren batekin isileko hitzarmenak daudelako. Hala adierazi du Juan Jose Ibarretxe hautagai jeltzaleak Nicolas Redondo Terreros buruzagi sozialistarekin bildu ostean. Hausturaren gakoa PSE-EEk Ardanza txostena onartzeko erakutsi duen «heldutasunik eza» izan da, Ibarretxeren arabera.

Ardanzaren txostenak, Ajuria Eneko Itunak pasa den martxoaren 17an eztabaidatu zuena, euskal herritarren borondatea errespetatzeko eskatzen du gehienbat. Erabaki horiek Estatuko erakundeek bere egin beharko lukete. Hau da alderdien arteko negoziatioen emaitza onartu beharko luke, eta eztabaidarako gai zerrenda «irekia» behar luke izan. PSE-EEk txosten hori arbuiatu egin zuen Itunak egin zuen bileran eta orain, berriro, ez du onartu.

Bake prozesua hitzartzea ezin bestekotzat jo du EAJk Jaurlaritza eratzekeo. Ibarretxek esan zuenez, halaber, zuzenduko duen «Gobernuaren helburu nagusia» behin-behineko su-etena behin-betiko bihurtzea dela, eta horretarako Jaurlaritza osatuko duten alderdien kohesioa ezinbestekoa da.

Jaurlaritza eratzekeo bigarren aroari ekingo diote orain Ibarretxek eta EAJk. Atzo bertan Carlos Garaikoetxea EAko lehendakariarekin bildu zen PSE-EEekin negoziatioak hautsi eta gero. Helburua da EAJ-EA Gobernuua eratzea, eta, aldi berean, EHren laguntza parlamentarioa zehaztea. Ezker abertzaleak, izan ere, jakinarazi du Jaurlaritza abertzalea sendotzeko prest dagoela, horrek beste norabide bat eman go diolakoan gatazkari. EArekib Jaurlaritza eratzen duten bitartean, Otegiren alderdiarekin laguntza parlamentarioaren xehetasunak lotuko dituzte.

Elkarlanean segitzeko asmoa • Gobernu abertzalea eratzeak ez du ekarriko sozialistekin harremanak etetea. Ez du nahi, bederen, Ibarretxek. Esan zuen aurretantzean beharrezkoak izango direla, eta orain posible izan ez dena -bakegintzako puntu batzuk hitzartzea- aurrerantzean egin beharko dela uste du. Iba-



Juan Jose Ibarretxe, negoziatioen haustura iragartzeko unean. JOSEBA OLALDE

Juan Jose Ibarretxe: «Gobernuaren helburu nagusia behin-behineko su-etena behin betiko bihurtzea da, eta, horretarako, Jaurlaritzako alderdien kohesioa ezinbestekoa da»

«Euskaldun guztiontzako gobernuua izango da, eta ni aurrez aurre izango nau legimititatea ukatzen dionak»

rretxek, izan ere, alderdi guztiekin hitzartu nahi du bakea egiteko metodologia, eta bake hori egiteko alderdi guztiak direla beharrezko nabarmendu zuen.

Gobernu abertzalearen «legitimitateari» hainbat minutu eskaini zion Ibarretxek. Zenbait masa komunikabidetan ezbaian kjarri dute Jaurlaritza abertzalearen legimititatea, eta zenbait alderdik

bide beretik jo dute. Ibarretxek ez die barkatuko bide beretik segitzen badute. «Beste edozein gobernu izango lukeen legimititatea aldarrikatzen dut gobernu abertzalea batentzat. Euskadun guztiontzako gobernuua izango da, eta ni aurrez aurre izango nau legimititatea ukatzen dionak. Izan ere, inork ezin du legimititatea ukatu demokraziatik abiatu den gobernu bati».

Interes berezia antzeman du Ibarretxek zenbait alderdietan eta zenbait komunikabideetan -Madrilgoak batez ere- gobernu abertzalea edo Lizarrako ukitua duen edozein ekimen deslegimitatzeko. Aipatu zuen PPko eta PSOEko zenbait agintarik egingdako adierazpenak eta ohartarazi zuen alderdien ideologiarengatik ezin dela gobernuua desakreditatu. «Gobernuaren legimititatea ez da zalantzan jartzen Gobernu hori eratzen duten alderdien ideologiarengatik. Gainera ez hemen ez inon ezind a inoren aurka erai-ki», adierazi zuen.

EAJ-EA koalizio gobernuak ez du gehiengo izango Legebiltzarrean, baina EHren laguntzarekin «Gobernu sendoa» eratuko dela ziurtatu zuen Ibarretxek. Gobernu hitzarmena egiteko «diskrezioa» aldarrikatu zuen, bestalde, nahiz eta sozialistekin oztupo izan den bake prozesua gaindituta dagoen. X

Desadostasunaren gakoak

Jeltzaleen eta sozialisten negoziatioak porrot egitea ez da ezustekoa izan. Izan ere, negoziatioa bera abian jarri zenetik agerian geratu ziren desadostasunak.

- **Negoizazio prozesua:** Euzko Alderdi Jeltzaleak txosten bat helarazi zien sozialistei, non bakea ahalbidetzeko erdua hitzartu nahi zuten. Idatzia Jose Antonio Ardanazaren bake proposamenaren puntu esanguratsuenak jasotzen ditu, eta jeltzaleen ikuspuntutik ez zen negoziatzeko gai. PSE-EEk, aldiz, beste txosten bat egin zuen biak uztartzeko asmoarekin. Jeltzaleen aburuz, PSE-EEk ez ditu behar beste urratsik egin, nahiz eta PSE-EEk onartu duen lehendakariak alderdiak bildu beharko dituela, ETAK behin-betiko su-etena ziurtatu ez arren. Halaber, Ajuria Eneko Ituna ez biltzeko amore eman zuten sozialistek.
- **Erabakiak hartzeko euskal esparrua:** Benetako klabea izan da. EAJk eskatu die euskal alderdiek hartutako erabakiak Estatuko erakundeek bere egin beharko dutela, hau da gatazkaren konpontzea euskal alderdien esku uztea. Halaber, erabaki horiek eragin-

korak izan daitezen, legedian sartzeko prozesua hitzartu behar lukete Madrilek eta Gasteizek. Ordezkaritza sozialistak ez du hori onartu eta «astakeri demokratikoa» iruditzen zaiola jakinarazi du. Jose Maria Bengas sozialisten ordezkariburuak adierazi zien «Kongresuak ezin duela halako proposamenik onartu».

- **PSOE akordioar. sartzea:** Aurrekoarekin batera ezberdintasun garrantzitsuenak. EAJk ezinbestekotzat jo zuen PSE-EEk izenpetutakoa PSOE bere egitea. Hala ere, baldintza hori ez dute amestitu buruzagi sozialistek. Jeltzaleei jakinarazi zien asko jota saiaturko zirela, baina ezin zutela ziurtatu. «Guk PSE modura izenpetuko genuke, PSOE osoa ez garela. Eta Jaurlaritzako kide izango bagina, saiaturko ginateke batzorde eragile federalak onartzea, baina ezin dugu gehiago ziurtatu», adierazi dute sozialistek. Jeltzaleentzat, ordea, ez da nahikoa izan.